


En memoria da Teofil Schmid-Venzin, Sedrun



(Corr.) Ei va buca lev da scriver in necrolog per in carstgaun ch'ins appreziava grondamein muort siu caracter conciliant e beinvulento. Quei ton pli ch'el ha priu comiau da nus nunspetgadamein, aschia che nus vein strusch aunc saviu realisar sia mort. Denton il prezau defunct mercta ina cuorta menzioen en quest liug. Teofil Schmid ei naschius ils 7 da zercl: 1912 a Zarcuns sco fegli d'ina gronda e respectabla famiglia purila. Suenter haver frequentau las scolas dalla vischancia — el era in excellent scolar — sedecida el da vegnir graficher. Da gliez temps ina clamada nunusitada, specialmein en nossa regiun! Plein curascha serenda il giuven tuatschim a Friburg. Suenter 4 onns finescha el cun grond success la scola. Dasperas ha el aunc fatg il diplom da scolast da dessegn. Il temps da lu era tut autre che favoreivels pertuccion occupaziun. Era il car defunct ha stuiu sentir quels onns da scrisa. Buca anflond ina lavur adequata, tuorna el a casa. A Sedrun arva el ina fatschenta ella casa da Maurus Berther permier ch'ei adina staus per el in promotur beinvulento. Sco ulteriura occupaziun fa el il fotograf. Numerusas fotografias dattan perdetga da siu senn artistic. Igl emprem sviluppa el sez ils maletgs, quei ch'el ha lu calau, cura che la lavur ei carschida. Parallel al svilup turistic ei era la fatschenta carschida. Ensemen cun sia capavlta consorta ha el capiu da far

prosperar sia interresa. Ils hospes appreziavan grondamein il survetsch persunal ed amicabel. Essend sia activitat ligada culla industria dad jasters, secpescha ei da sesez ch'el ei era sefatschenta cun problems da quei intschies. El ha prestau differents survetschs per l'Union da cura e traffic Sedrun. Specials merets ha el per la Scola da skis ch'el ha menau plirs onns. Sia clamada da graficher ha el mai praticau per propri. Quei ei stau donn! El fageva mintgaton in maletg ni l'auter. In mussament da siu dun artistic ein las illustraziuns dil Tschespet 36 da Ludovic Hendry. En in cert senn ha Teofil Schmid denton tuttina saviu applicar sias encouschientschas professionalas. Sco gia detg veva el fatg a Friburg il diplom da scolast da dessegn sper igl examen da graficher. Cura che la scola professionala dalla Cadi ei vegnida fundada a Cumpadials, eis el staus il candidat predestinato per magister da malegiar. El ei staus fideivels a quella instituziun 35 onns. Sa cons emprendists el ha instruiu en quei liung temps? Ses scolars appreziavan buca mo sias qualitads professionalas, mobein era siu far e demanar beinvulento e human.

Teofil Schmid ha era mess a disposizion sias forzas alla publicitat. Da 1941—1957 eis el staus ella suprastanza communal. Cun il departement dil pauperesser era medemamein l'administratiun dalla cassa da cumpensaziun unida. Quei pensum ha el adempiu era suenter sia abdicaziun sco gerau, e quei tochen la fin da zerladur 1971. Lu ei quei uffeci vegnius adossau alla canzlia communal, creada lu da niev. Deplorablaimein ha el buca saviu guder ils fretgs da quella ovra sociala, per la quala el ha unfriu tonta lavur en favur da ses convischins.

Sigl intschess politic ei Teofil Schmid staus activis era ordeifer la classena communal: Da 1951—53 eis el deputau dalla Cadi. El ha denton stuiu seperschuader che l'engrazievilad per gl'engaschament public ei pintga. Suenter ch'el ei extraus dalla suprastanza eis el sereratgs dalla veta politica, sededicand all' fatschenta ed a sia famiglia ch'el appreziava grondamein.

La davosa sesiun da stad ei stada strengta ed ha spossau bravamein il Teofil. Per serecuvar serenda el el spital da Glion. Mo quei ei deplorablaimein stau sia davosa staziun. Ad ina attacca dil cor ha el buca pudiu resister. Sia mort ha caschunau gronda consternaziun, specialmein a sia famiglia che vess saviu duvrar il bab aunc malamein. Sia spartida ei aunc pli tragica, demai ch'el veva el senn da prender proximamein empau pli lev. Confiert e consolaziun anflein nus mo en nossa religiun ch'empermetta in seveser!